

आकाशवाणी

1. कांग्रेस सांसद शशि थरूर हुंदी अगुआई आहले सर्वदलीय प्रतिनिधिमंडल ने अपना अमरीकी दौरा कामयाबी कन्नै संपन्न करी लैता ऐ।
2. सिक्किम च पस्सियां पौने करी प्रभावित क्षेत्र थमां 28 नागरिकें ते 20 फौजिएं गी हैलीकाप्टर राएं सुरक्षित बाहर कड्डेया गेआ ऐ।
3. डीआरडीओ ने रक्षा उत्पादन च गी होर विस्तार देने लेई 10 भारतिय कंपनिए गी 9 रक्षा प्रणालियां मुन्तकिल कितियां न
4. अमरीका दे राष्ट्रपति डोनाल्ड ट्रम्प आसेया 12 मुख्यें दे नागरिकें उप्पर अमरीका च प्रवेश पर लाई गेदी बंदश अमल च आई गेई ऐ।
5. कार्लोस अल्कराज ने सारें शा लम्मे चले फ्रेंच ओपन फाइनल च जैनिक सिन्नर गी हराइयै खिताब जित्ती लैता ऐ।

<><><><><><>

APD

सर्वदलीय संसदीय प्रतिनिधिमंडल नै पाकिस्तान थमां आयोजित आतंकवाद ख्लाफ लड़ाई प्रति भारत दे पक्के निश्चय गी दर्शादे होई अमरीका दे उपराष्ट्रपति जे.डी.वैस ते उपविदेश मंत्री कृस्टोफर लैंडाउ सनें होरने राजनीतिक ते कूटनीतिक नेताएं कन्नै मलाटी मगरा अपना अमरीकी दौरा मकाई दित्ता ऐ। कांग्रेस दे सांसद शशि थरूर हुंदी अगुवाई आला एह प्रतिनिधिमंडल केई मुख्यें दे दौरे दरान अपने खीरी चरण च ऐ। एहदा मकसद 22 अप्रैल गी पहलगाम च होए दे आतंकी हमले दे परते च भारत आस्सेआ शुरू कीते गेदे आपरेशन सिंदूर दी मुख-मुख कारवाइएं बारे दस्सेआ दसाया हा। भारत नै नेह 7 प्रतिनिधिमंडल 33 मुख्यें च भेजे, जिंदा मकसद अंतर्राष्ट्रीय समुदाय गी पाकिस्तान दे आतंकवाद कन्नै सरबंधें बारे हा। एह प्रतिनिधिमंडल 3 जून गी अमरीका पुज्जा हा। त्रऊं दिनें दे दौरे दरान अमरीका दी राजधानी वाशिंग्टन च अमरीका दे लीडरें ते कन्नै मलाटी कीती ते बन्ने पारा आतंकवाद खलाफ भारत दे रुक्ख बारे दस्सेआ। इआं गै बीजेपी दे सांसद रविशंकर हुंदी अगुवाई आला सर्वदलीय प्रतिनिधिमंडल जर्मनी दा दौरा समाप्त करियै कल भारत परतोई आया। मुख्य वापस परतोने पर श्री रविशंकर होरें पत्रकारें कन्नै गल्लबात करदे होई दस्सेआ जे उंदे प्रतिनिधिमंडल नै फ्रांस, इटली, डैनमार्क, ब्रसल, इंग्लैंड ते जर्मनी दा दौरा कीता ते आतंकवाद गी बिद बी बर्दाश्त नेइ करने आली भारत दी नीति बारे दस्सेआ दसाया।

<><><><><><>

Sikkim

उत्तरी सिक्किम च होइ दी जबरदस्त भारी बरखा कारएर पस्सियां पौने करी शिङक संपर्क बाधित होने मगरा घट्टोघट्ट 28 नागरिक ते 20 फौजिएं गी हैलीकाप्टर थमां सुरक्षत बाहर कड्डेआ गेआ। इक हैलीकाप्टर नै चेतन इलाके थमां पैहले नागरिकें ते फही फौजिएं गी पाकयंग ग्रीन फील्ड ब्हाई अड्डे तोड़ी पजाया। एमआई-17 हैलीकाप्टर नै चेतन च तैनात कर्मिएं गी जरूरी लोडचदी चीजें दी सप्लाई बी कीती। सिक्किम सरकार नै पस्सियां पौने कारण शिङक संपर्क बाधित होने मगरा चेतन च सैलानिएं ते फौजिएं गी सुरक्षत बाहर कड्डने लेई तुरत हैलीकाप्टर दी

बवस्था कीती। सिक्किम च केई थाहरें पर भारी बरखा कारण पस्सियां पेइयां न, जेह्दे करी उत्थें शिङ्क ते संचार संपर्क च बिघ्न पैदा होआ ऐ।

<><><><><><>

DRDO

महाराष्ट्र दे अहमदनगर च रक्षा अनुसंधान ते विकास संगठन दे वाहन अनुसंधान ते विकास इदारे नै 10 भारतीय उद्योगें गी 9 रक्षा प्रणालिएं तकनीकां सौंपिया न। इनें प्रणालिएं च माउंटेड गल सिस्टम, बख्तरबंद गड्डियां ते होर दुइयां प्रणालियां शामिल न। इस मौके पर डीआरडीओ दे अध्यक्ष डॉ. समीर वी. कायत होर मजूद हे। इस मौके पर बोलदे होई डॉ. कायत होरें आपरेशन सिंदूर दरान स्वदेशी प्रणालिएं दे बेमिसाल प्रदर्शन आस्तै डीआरडीओ ते रक्षा उद्योगें दी सराहना कीती।

<><><><><><>श

Trump Travel Ban

अमरीकी राष्ट्रपति डोनाल्ड ट्रंप हुंदा 12 मुल्खें दे नागरिकें दे अमरीका च होने पर पाबंदी लाने आला हुक्म अज्ज थमां लागू होई गेआ ऐ। अमरीका नै जिनें 12 मुल्खें दे नागरिकें पर पाबंदी लाई ऐ, उंदे च अफगानिस्तान, म्यांमार, चाड, कांगो, इक्योटोरियल, गुआना, एरिट्रिया, हेटी, ईरान, लीबिया, समोलिया, सुडान ते यमन शामिल ऐ। बुरेंडी, क्यूबा, लॉस, सीरिया, लियोन, टोगो, तुर्कमेनिस्तान ते वेनेज्योला सनें 7 होर मुल्खें दे लोकें दे प्रवेश पर आंशिक तौरा पर पाबंदी लाई जाग।

<><><><><><>

Jitendra Norway

नार्वे नै पहलगाम आतंकवादी हमले दे बाद भारत दे कन्नै अपनी इक्कजुटता जाहर कीती ऐ। केन्द्री मंत्री डाक्टर जीतेन्द्र सिंह होरें आखेआ ऐ जे नार्वे दे मंत्री असमुंद ग्रोवर ऑकरस्ट होरें मोनोंको च इक कार्यक्रम थमां बक्ख-बाहरें लाई गेदी भारत दरान भारत कन्नै पूरा-पूरा समर्थन ते इक्कजुटता जताई। सोशल मीडिया दी इक पोस्ट च डाक्टर सिंह होरें दस्सेआ जे नार्वे दे मंत्री होरें आखेआ ऐ जे उंदे मुल्ख दे लोकें अंदर भारत दे प्रति बड़ी मजबूत भावना ऐ ते उत्थुं दे केई सारे लोक, तौले गै प्रधानमंत्री नरेन्द्र मोदी हुं'दे उत्थुं दे दौरे दी हीखी लाइयै बैठे दे न।

<><><><><><>

Axiom Mission

प्रतिष्ठित एग्ज्युम-4 मिशन दा प्रक्षेपण कल संजा 7 बज्जियै 52 मिंटें पर कीता जाग। इसी नासा दे कौनेडी स्पेस सेंटर थमां प्रक्षेपण कीता जाग। 14 दिन दे इस ऐतिहासक वैज्ञानिक मिशन च अमरीका, भारत, पोलैंड ते हंगरी दे 4 अंतरिक्ष यात्रिएं गी अंतरिक्ष स्टेशन दे लो अर्थ ऑरबिट च भेजेआ जाग।

<><><><><><>

Yoga Day

औंदे अंतर्राष्ट्री योग दिवस आहले कार्यक्रमें दे इक हिस्से दे तौर पर आयुर्वेद सरबंघी अखिल भारती संस्थान आसेआ अज्जै थमां त्र'उं दिनें दी अयंगर योग कार्यशाला दा सरिस्ता कीता जा'रदा ऐ जेहदा विशे—सार ऐ योग समावेश। एह कार्यशाला औंदे बुधवार तोहड़ी हर रोज दपैहरी 2 बजे शा 3 बजे तगर चला करोग ते एहदे च अयंगर योग दे मन्ने—परमन्ने दे योग गुरु अमित शर्मा होर योग दिऐ बक्ख—बक्ख विधिऐं बारै जानकारी देडन।

<><><><><><>

Tennis

टेनिस च स्पेन दे कार्लोस अल्कराज नै कल रातीं 5 सेट दे रोमांचक मकाबले च इटली दे नंबर इक जैनिक सिनर गी हराइयै फ्रेंच ओपन खिताब जित्ती लैता ऐ। फाइनल मैच च 2 सेट थमां पिछड़ने ते त्रै चैंपियनशिप पोआइंट बचाने दे बाद मजूदा चैंपियन अल्कराज संघर्ष करा'रदे हे। पर अल्कराज नै ग्रैंड स्लैम इतिहास दे सब्बने थमां लम्मे ते रोमांचक फाइनल चा इक च 4—6, 6—7, 6—4, 7—6, 7—6 कन्नै शानदार जित्त दर्ज कीती।

<><><><><><>

Taiwan Athletics

भारतीय खडारिएं ताइवान एथलेटिक्स ओपन चैंपियनशिप च 12 सुन्ने, 3 चांदी ते इक कैह् दा तगमा जित्तेआ ऐ। ताइपे च कल दुऐ ते खीरले दिन भारतीय खडारिएं 6 सुन्ने, 3 चांदी सनें 10 तगमें जित्ते। सुन्ने दा तगमा जित्त्ने आले प्रमुख खडारिएं च महिलाएं दी 4 सौ मीटर बाधा द्रौड़ च त्रै बारी दी राष्ट्रीय चैंपियन विथेया रामराज, मर्दे दे नेजा सुट्टने आले मकाबले च रोहित यादव, महिलाएं दी 800 मीटर च पूजा, मर्दे दी 8 मीटर च कृष्ण कुमार ते महिलाएं दे नेजा सुट्टने आले मकाबले च अन्नु रानी शामिल ही। संतोष टी. विशाल टी.के, धर्मवीर चौधरी ते मनु टी. एस दी टीम नै मर्दे दे 4 गुणा 400 मीटर मकाबले च सुन्ने दा तगमा हासल कीता।

<><><><><><>